

نسخه سی ۱۰ غروشد

صاحبی، مدیری، محرری



اسلامك نفعنه خادم مقالات
مع الت شكر قبول ونشر اولونور

يازانك شخصيتي دكل، يازينك اهميتي
نظر دقتت آئينير .

كلن يازيلردن شايان قبول كوردولنلر
تاصيح سيرايله درج ايديلير .

عدد : ۳۵

محفصل

۱۳۳۸

دینی، علمی، ادبی، اجتماعی و شمیم بیک
شهری مجموعه در

۱۳۴۱ رمضان مخصوص نسخه

اداره خانه سی : آفسرایده
ملا کورانی محله سنده مهتر
سوقا غنده ۳ نومرولو خانه

مراکز وزیعی :

باب عالی جاده سنده (اتحاد
تجارت) کتبخانه سی

آبونه بدلی :

سنه لکی ۶۰ غرویش
آلتی آلتی ۳۰ »

جلد : ۳

مذمرجات :

محفصل دینی و علمی : رمضان شریف - طاهر المولوی . جمعه نمازی - طاهر المولوی . اوقات صلات -
احمد ضیا بك . دلم اسلام و عرقلر مسئله سی - سعدی بك . علم انواء - طاهر المولوی .

محفصل ادبی : مناجات - صادق افندی . نایه و حضرت مولانا یه - طاهر المولوی . ایکی رباعی -
توقادی زاده شکیب بك . غزل - حسین و صاف بك . غزل - طاهر المولوی

محفصل تاریخی : حضرت عائشه - فخر النساء کمال خاتم . جعفر بن ابی طالب - طاهر المولوی . اسعد
دده مرحومه دائر بعض خاطرات - طاهر المولوی .

شعشعه سیله ، بویوک و علوی روحیه دولدیران جناب عائشه ، حضرت پیغمبرک حیاتنده بر ذره نور اولان یاشادینی کبی وفاتندن [*] صوکردهده مخدرات اسلامک سوئمهمین بر ییلدیزی اولارق تاریخه کچمش ، و فضیلت اخلاقیه ، نجات روحیه سیلهده بوکونکی اسلام قادینلغنه بر نمونه امتثال اولارق تمیز و مقدس حسنینم آراسنده ابدیاً یاشایاجق بر موقع ممتاز احراز ایله مشدر ...

جراح پاشا : فخر النساء کمال

بو یوکارضدن :

جعفر به اپی طالب

رضی الله عنه

عم کریم نبوی جناب ابو طالبک - اسمیله تکنی ایله دیکی - طالب ایله عقیل ، جعفر ، علی اسمنده درت اوغلی ، ام هانی و جهانه نامنده ایکی قیزی واردی که هپسیده (فاطمه بنت الاسد بن هاشم) دن تولد ایتشدی .

ترجه سنی یازمق ایسته دیکم حضرت جعفر ، ابناء ابی طالبک او چنجیسی ایدی که برادر مکرمی جناب مرتضادن اون سنه اول ، دیگر قارده شلری عقیلدن اون و طالبدن بکرمی ییل صوکراد و غمشدر . ذات اقدس رسالتک اوتوز یاشلرنده بولوندیغی صیراده [۱] حضرت علینک دو غماسنه ، جعفرکده اوندن اون یاش بویوک اولماسنه نظراً کنندیسنک تقریباً ۵۹۰ سال میلادیسنه طوغرو تولد ایله دیکی آکلاشیلیر .

ابو طالبک چو جو قیلرندن بشی اسلامه کلش ، اک مسنلری اولان طالبک یالکنز اعتقادی دکل ،

[*] وفاتلری هجرت نبویهک ۵۸ نجی سنه سی رمضانک ۱۷ نجی کیجه سنده در . آرزولری وجهله جنة البقیعه دفن اولونمشلردر .

[۱] ۱۳ رجب ۱۰ قبل البعثة یوم جمعه .

بو یورملری اوزرینه حضرت عائشه «ام عبدالله» دییه کنیه لئک شرفه نائل اولمشدر .

رسالتهناه افندمن حضرت عائشه یه اولان بو نهایتسنر محبتی « چوزولمز بر دوکوم » دییه تصویر ایده رلز ، حتی ، آراضیرا ، رسول اکرمک درجه محبتی اوکره نمک ایچین حضرت عائشه طرفندن « چوزولمز دوکوم نه حالده ؟ » دییه وارد اولان سؤاله ، جناب پیغمبر : « اولدینی کبی طور بیدر ، هیچ برتغیره اوغرامادی . » جوابی ویره رک حضرت عائشه یی ممنون ایلرلردی .

کنجلیکی ، جاذبه سی ، فضیلتی ایله روح پیغمبری یی مسرور و مسعود ایله یی ، علوی ، علم و عرفانیله دونک حیاتنده تاریخه کچن ، بوکونک حیاتندهده بر مفکوره کبی یاشایان بو ، بویوک قادین حیاته دائماً استحقار له باقمش ، نه کینیشنده ، نه ده یاشاییشنده بر فوق العاده لک کورولمه مشدر . کنندیسنی الکچوق ممنون ایدن شی ، فقرایه و محتاج اولانلره معاونت ایدی . بو فضائل اخلاقیه یی ، پک کوزهل اثبات ایدن بر مثال اولمق اوزره عبدالله بن زبیر حضرت تلرینک زمان حکومتنده کندیسنه کوندریلن یوز بیسک درهمی ایچندن بر آقچه بیله افطاریه اولمق اوزره آیرمیارق تمامیه تصدق ایله دکلرینی جاریه سی « ام ذره » نک حکایه ایدر . « ام ذره » دیورکه : اوکون بوتون مبلغ تقسیم ایدلمش و غروب وقتی اولمشدی . بکا افطاریه کتیرمه می امر ایتدی ، بنده امری وجهله بر مقدار خرما ایله بر بارچه اتمک کتیردم ، اوراده موجود اولان فقیرک بری بوخرمای کورونجه : « یام المؤمنین ، بوقادار مبلغی تقسیم ایله دگده ، نه دن بر درهم بیله کندینه آیرمادک » دیدی . جناب عائشه کوله رک : « نیچین بونی بکا و قتيله خاطر لاتمادک . » جوابی ویردی ...

ایشته ؛ دور سعادتق قدرتکار ذکاسیله ،

نتیجه حیاتی ده مجهول قالمشدر . طالب ایچین حاجی
ذهنی اقدی مرحومك (الحقائق) نده :

« طالب ایله عقیل مسلم اولادقلری جهته پدرلری
ابوطالبه وارث اولمشلر [۲] و حضرت جعفر ایله حضرت
علی مسلم اولادقلری جهته وارث اولاماشلاردر . عقیل
مؤخرأ مسلم اولمشدر »

ده نیلیور ، (سیره ابن هشام) ده طالبك
مشرکین قریش ایله بدره کیدرکن یولده بعضیلرینك
کندیسنی طرفدار پیغمبری اولقله اتهام ایتمه
اوزه رینه کری دوندیکی ، (سیره ابن دحلان) ده
بدر محاربهنده غائب اولدینی ، (اسدالغابه) دن
اقتباساً یازیلان . (مطالع النجوم) ده ایسه قبل الاسلام
وفات ایله مش بولوندینی . کوسته ریلیور .

طالبك جنلر طرفدن قایماش اولدیغه دائره
خرافی بروایت واردر . احتمال که بدره کیدرکن
اتهام واقع طولانیسیله کری دونمش ویولده بریده
دوشوب اولهرك جسدی حیوانات طرفدن
پارچه لانش ، عودت ایتمه ییشی ، آرانوب بولونامایشی
اوزه رینه ده جنلر قایدی دییه یرشایه چیقمشدر .
بدره بولونمش اولسه یدی یا مقتولین آره - سنده
یا خود - برادری عقیل بن ابی طالب کی - اسرا
صیراسنده اسمی کچرزدی . ننته کیم مشرکینك بدر
اوردوسنه اشتراك ایله مش اولان عقیل ، مسلمانلر
طرفدن اسیرایدیش و عجمجه سی عباس بن عبدالمطلب
طرفدن فدییه سی ویریلشدی .
استطراد

حضرت عباس ، ویردیکی فدیهلری مؤخرأ
مع زیاده المشدر :

علیه الصلاة افندیمن طرفدن اطرافه مکتوبلر اوسا -

[۲] عن اسامة بن زيد انه قال قال زمن الفتح يارسول
الله ابن نزل غدا قال النبي صلى الله عليه وسلم وهل ترك
لنا عقيل من نزل ثم قال لا يرث المؤمن الكافر ولا يورث
الكافر المؤمن . قيل للزهرى ومن ورث ابا طالب قال
ورثه عقيل وطالب - بخاری شریف .

ایله دعوت عامه وقوع بولدیغی ائشاده بحرین حکمداری
(منذر بن ساوی) امر پیغمبری یه اطاعت و تبعه سنك
بر قسمیله دائره اسلامه دخالت ایله مشدی . اهلیدن یهودی
و مجوسی اولوب ده تبدیل دین ایتك ایستمه یئلرایسه
جزیه ویرمه یی قبول ایتمشلردی . کرک جزیه ، کرک
زکات بدلی اولق اوزره اورادن مدینه یه کلیتلی
مال کونده ریلیر . و مسجد شریفه بیغیلوب جانب
نبویدن مستحقینه توزیع ایدیلردی .

بویله یر توزیع هنکامنده جناب عباس حضور
نبوی یه کندی و : یارسول الله ! بن ، بدرده هم
کندیم ، هم ده عقیل ایچین فدییه ویرمشدم . دییه رك
استعاف ایتدی . صلی الله علیه وسلم افندیمنده
(آل) بویوردی . عباس ، چومه لوب رداسنی
یایدی و آلا بیلدیکنه طولدوردی . صوکراده قالدیره -
مایجه صیرتنه یوکلّه تیلمه سنی تمی ایتدی . علیه
الصلاة افندیمنز (خایر) دیدی . بونك اوزه رینه
عباس ، رداسنی قالدیره بیلجه چکی قدر بوشالتدی
ویوکلّه نوب کتیدی . مشارالیهك شوحر صنه قارشی
سیدالقائین افندیمنز کمال حیرتله باقیوردی .

* *

بنات ابوطالب دن ام هانی فاطمه (هبیره بن
ابی وهب مخزومی) نك ، (جهانه) ده عم زاده نبوی
(ابوسفیان بن الحارث بن عبدالمطلب) ك زوجه سی
ایدی . معراج پیغمبری ، ذات اقدس رسالتك
خانه ام هانی ده بولوندیغی ائشاده وقوع بولماسیله
مشارالیهما ، معجزه اسرا بختنده حرمتله یاد اولونور .
شیخ غالبك :

برشب که سرای ام هانی اولمشدی او ماهك آسمانی
وسلیمان چلبی نك :

اول هایون بخت ، اول قدری بوجه ام هانی آوینه واردی کیجه
بیترلنده اولدیغی کبی .

ایکنجی براستطراد

اساطیر ایرانیه ده بر (های) لفظی واردر که